

# دمع الحبر



بكى دمع الحبر عن دمع عيني  
سرد قصة حزن بينه وبينني  
أبا أشيد جسر من دمع حبري  
وأوصل له من الخافي المبيني  
شعور اعجزت لجبال حمله  
يهد اجبال صبري وايعزيني  
شعورن ما قوت لبحور شيله  
يهيج أمواج حزني وايعشيني  
بدونه كيف أفرح؟ كيف أضحك؟  
وشي فالحشا مفقود فيني  
بدونه .. وش هي الدنيا بدونه؟؟  
بدونه كل شيء مستهيني  
بدونه يصبح العالم متاهه  
بلا نور ولا منجي عويني  
غيابك طال يا شمس المواصل  
متى لشروق؟ وادياري تزيني!  
متى بتزيلي اطرروح الليالي  
ويشع الفرح في قلبي الضنيني  
تضييق الدار والساعة توقف  
رياح الشوق تاسرني تبيني  
تبي تحملني إلى داره ، وداره!  
تصد الريح والشوق الدفيني !!  
ألا يا شاطي الدوحه توصل  
سلام وهات علم اللي يبيني  
وألا يا شط المحرق تحصل  
علوم انسان ساكن وسط عيني  
عساه بخير وعلومه مسره  
وانا لبخير دامه مشتريني  
وعسى جسر المشاعر والقوافي  
قدر يوصل له الخافي المبيني  
الشاعر / محمد بن راشد المناعي